

تبریزین ایمام جومعه‌سی: مسئول‌لار ارومیه دریاچاسی‌نین نجاتی اوچون وئردیگی سؤزلره عمل ائله‌سینلر

تبریزین ایمام جومعه‌سی ارومیه دریاچاسی‌نین بۇحرانلی وضعیتینه ایشاره ائله‌ماغیان کی شرقی و غربی آذربایجانی تهدید ائلیر، دئدی: مسئول‌لار دانیشماق عوضینه اؤز سؤزلرینه عمل ائله‌سینلر.

قارسین تبریزدن وئردیگی گوزارشه گۆره، آیت الله محسن مجتهد شبستری بو شهرین ایمام خمینی(ره) موصلاسیندا ناماز جومعه خطبه‌لرینده دئدی: مسئول‌لار ارومیه دریاچاسی‌نین قوروماسی باره‌ده‌کی اؤلکه منطقه‌لرینی و هامیسیندان چوخ شرقی و آذربایجانی خطر معرضینده قرار وئریب- بیر سئری قول و قرارلار وئریلر کی ایندیجه‌ن اونلار عمل اولماییب. تبریز ایمام جومعه‌سی بونا تأکید ائله‌ماغیان کی ارومیه بۇحرانی‌نین حلی اوچون گرک هر نه تئزراق بیر ایش گۆروله، دئدی: دانیشماق و وعده وئرماق گۆرر و گرک هر نه تئزراق بو بۇحراندان چیخماغا و زیست موحیطی خطردن کی دریاچاین تدریجی قوروماسی‌اینن قاباغا گله‌جاق کاربوردی برنامه‌لر ایجرا اولسون. دولت باهالیقلاری کونترول ائله‌سین تبریز ایمام جومعه‌سی هابئله باهالیقلارا ایشاره ائدیپ و آرتیردی: مجلس و دولت جماعتین معیشتی و باهالیغین آزالماسی و ایقتیصادی مسأله‌ره مخصوص دیقت یئتیرسین و باهالیغی کونترول ائله‌ماغا برنامه‌سی اولسون. او باهالیقلارین حساب کیتابسیز اولماسیدان اینتیقاد ائله‌ماغیان مسئول‌لاردان ایسته‌دی بازارا نظم وئرماغیان ایجازه وئرمه‌سینلر کی هر کس اؤز کالاسینی سئودیفی قیمته جماعته ساتسین. ایران بالاجا تهدیده بئله کامیل ایقتیدارینان لاب آز زاماندا جواب وئرر تبریزین ایمام جومعه‌سی دئدی: موعظم اینقیلاب رهبرین راحیل ایمامین ایرتعالی‌نین ایل دؤنومونده‌کی بیاناتی‌نین داخلیلی و مخصوصاً خاریجی عکس‌العمل‌لری واریدی و بعضی نظرلرین دئیلمه‌سینه مونجر اولدو.

او آیدینلادتی: شکسیز هامی‌میز بیلیروک کی ایسلامی اینقیلاب راحیل ایمامین رهبرلیغی آلتیندا ایران جماعتی‌نین عبزت و ایستیقلاینی قایتاردی و طاغوتلارین خیانتلرین نیشان وئردی. آیت‌الله شبستری دئدی: اینقیلابین موعظم رهبری راحیل ایمامین مرقدینده‌کی فرمایشلرینده بیوردولار کی ایسلامی اینقیلابین بونیا‌نگوداری هئج‌واخت پوچ ناسیونالیست دوشونجه‌لرین و یا قومیت‌لرین دالیسی‌جن گئتمه‌دی. ضیمنا ایرانچیلیق و آریاچیلیق او حضرتین طرفیندن مطرح اولمامیشدی بلکه دین حقیقتلری‌نین دالیسی‌جن ایدیلر تا اونون واسیطه‌سی‌اینن جماعتی ایچه‌ریدن و آلاها توکول ائله‌ماغیان دگی‌شسین و الدن گئتمیش عبزتین قایتارسین.

تبریزین جومعه خطیبی رهبرین توصیه‌سی اولان عبزت و ایقتیدارین ساخلاماسینا تأکید ائله‌ماغیان دئدی: اینقیلابین موعظم رهبری‌نین دفعه‌لره دئدیگی کیمی، دونیانین سیاسی محفیل‌لری هسته‌ای ایرانین خطریندن دانیشرلار حال بوکی بو سؤزو توغلاماق اوچون دئییرلر و اونلاری قورخودان فقط ایسلامی ایراندیر. ولی فقیهین شرقی آذربایجانداکی نوماینده‌سی دئدی: اینقیلابین موعظم رهبری هابئله ایسلامی اویانمایا تأکید ائله‌دیلر کی دوشمن و صهیونیسم باشچی‌لاری منطقه دگی‌شمه‌لریندن وحشته دوشوب نیظامی حمله‌دن دم وورورلار، حال بوکی بیلمه‌لیدیلر اونلارین هر جوړه آخماق‌یانا حرکتلری ایلدیریم کیمی باشلارینا یئنه‌جاق. آیت‌الله شبستری ایدامه‌ده بحرین جماعتی‌نین مظلومیتی و مصر دگی‌شمه‌لرینه ایشاره ائدیپ آرتیردی: شکسیز بحرین جماعتی دونیانین لاب مظلوم جماعتی‌دیلر کی غربین حیمایتی‌اینن ظالیم حاکمیلرین حمله معرضینده قرار تاپییلار.

او مصر دگی‌شمه‌لری باره‌ده دئدی: بویون مصرده ایکی بؤیوک دگی‌شکیلیک اولارکن، آیری اینقیلاب اولماقدادیر. بو ایکی دگی‌شمه‌لرین بیرى رئیس‌جومهورلوق اینتیخاباتی‌دیر کی کئجمیش رژیمین تۆرمه‌لری فاسید رژیمى دیریلتمک قصدینده‌دیلر. و بیرى‌ده حسنى نا موبارکین اعدام اولونماماسیدیر کی بو ایکی حرکت جماعتین شدتلی اعتراضینا باعث اولوب. تبریزین ایمام جومعه‌سی دئدی: مصر و بحرین جماعتینه اعلام ائلیروق کی دونیانین آییق میلتی مخصوصاً ایسلامی ایران اونلاردان حیمایت ائلیر و اینتیظارلاری وار صبیرلی و مقاویم اولوب ایشی

قورتارسینلار نیه‌کی آلا‌هین وعده‌سی حقدیر و شکسیز نوصرت و پیروزلوق اونلار اوچون موحقق اولاجاق. او دئدی: آ‌یاغا ق‌الخمیش میلتلردن ایستیریک کی غرب توطئه‌سین مخصوصاً آمریکا و صهیونیستی رژیمین توطئه‌لرین نطفه‌ده خفه‌له‌سینلر و اونلارا حرکت ایمکانی وئرمه‌سینلر. ولی فقیهین شرقی آذربایجانداکی نوماینده‌سی ایدامه‌ده آیت‌الله مشکینی‌نین درگودشتی‌نین ایل دؤنومونه ایشاره ائدیپ و بو ربانی عالیمین فو‌قدانینی تسلیت دئییب آرتیردی: شکسیز بو عالی مقام فقیه، موباریز و اینقیلابی بیر شخص ایدی کی اینقیلاب جریانیندا تأثیرلی نقشلری واریدی. او دئدی: آیت‌الله مشکینی اینقیلابدان سونرا دا اینقیلابین تثبیتلنمه‌سی و دوام تاپماسینا چوخ کؤمک ائله‌دی و هابئله سککیز ایل موقدس دیفاع ایللرینده جیهه‌لرده شیرکت ائدیپ جماعت و

اینقیلابا اؤز بورجونو ادا ائله‌دی. او هابئله ایام‌البیضه ایشاره ائدیپ و اوچ گون اعتیکاف ائلیه‌نلرین اله گتیردیکلارین ساخلاماقلارینا تأکید ائله‌ماغیان آرتیردی: چالیشین بو معنویتى زیندگانلیغیزین بوتون لحظه‌لرینه سیرایت وئره‌سیز.